



ქალაქ ფოთის მუნიციპალიტეტის საკრებულო



განკარგულება № 8/58

2022 წლის 29 ივლისი

ქალაქი ფოთი

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის ანგარიში გაწეული მუშაობის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „გ.ა“ ქვეპუნქტის შესაბამისად, საკრებულოს განსაკუთრებულ უფლებამოსილებას განეკუთვნება მუნიციპალიტეტის აღმასრულებელი ორგანოების და თანამდებობის პირების საქმიანობის კონტროლი, მათი ანგარიშების მოსმენა და შეფასება.

აღნიშნულიდან გამომდინარე:

მუხლი 1.

ცნობად იქნეს მიღებული ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის ანგარიში გაწეული მუშაობის შესახებ (ანგარიში თან ერთვის).

მუხლი 2.

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის მუშაობა შეფასდეს დამაკმაყოფილებლად.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარე



ალექსანდრე ტყეშუაშვილი

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის ანგარიში გაწეული მუშაობის შესახებ (2021 წლის და 2022 წლის 6 თვის).

მოსახლეობის ჯანმრთელობის და სოციალური დაცვა მუნიციპალიტეტის ერთ-ერთი პრიორიტეტია. არსებული რესურსების პირობებში მუნიციპალიტეტი განაგრძობს მოსახლეობის სხვადასხვა დახმარებით და შეღავათებით უზრუნველყოფას. ქალაქ ფოთის მუნიციპალიტეტის ჯანმრთელობისა და სოციალური დაცვის სამსახური საქმიანობს მუნიციპალიტეტის საკუთარი და დელეგირებული უფლებამოსილების ფარგლებში. ამ უფლებამოსილებათა შესასრულებლად სამსახურმა 2021-22 წლებში განახორციელა 30 პროგრამა.

ქალაქ ფოთის მუნიციპალიტეტის 2021 წლის ბიუჯეტით ჯანმრთელობის დაცვისა და სოციალური უზრუნველყოფისათვის დამტკიცდა 2 604 800 ლარი, ხოლო დაზუსტდა 3 631 500 ლარი.

2022 წელს დამტკიცდა 3 694 300 ლარი და დაზუსტდა 3 978 600 ლარი. 2022 წლის ბიუჯეტმა წინა წელთან შედარებით განიცადა ზრდა, დაახლოებით 300 000 ლარით.

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის სტრუქტურამ რეორგანიზაციის შედეგად განიცადა ცვლილება. ამჟამად, ქალაქ ფოთის მუნიციპალიტეტის საკრებულოს 2022 წლის 24 მაისის N 5/19 დადგენილებით, სამსახური შედგება ორი განყოფილებისაგან:

1. ჯანმრთელობის დაცვის განყოფილება; 2. სოციალური დაცვისა და დევნილთა განყოფილება.

აღნიშნული განყოფილებები თავიანთი კომპეტენციის ფარგლებში უზრუნველყოფენ პროგრამათა ეფექტურ განხორციელებას. სამსახურთან კოორდინაციით საქმიანობს მუნიციპალიტეტის მიერ დაფუძნებული იურიდიული პირები: ა(ა)იპ „თვითმმართველი ქალაქ ფოთის საზოგადოებრივი ჯანდაცვის ცენტრი“; ა(ა)იპ „თვითმმართველი ქალაქის - ფოთის ბავშვთა ცენტრი“; შპს „ფოთის სატრანსპორტო კომპანია“; ა(ა)იპ „ქალაქ ფოთის მუნიციპალიტეტის სოციალური მომსახურების ცენტრი“; შპს „ლაბორატორიული კვლევის ცენტრი“.

ქალაქ ფოთის მუნიციპალიტეტის 2022 წლის ბიუჯეტით გათვალისწინებულია „საზოგადოებრივი ჯანდაცვის მომსახურება“, რომელსაც ახორციელებს ა(ა)იპ „თვითმმართველი ქალაქ ფოთის საზოგადოებრივი ჯანდაცვის ცენტრი“.

ა(ა)იპ „თვითმმართველი ქალაქ ფოთის საზოგადოებრივი ჯანდაცვის ცენტრი“-ს მიერ 2021-2022 წლებში განხორციელებული სავალდებულო ღონისძიებები მოიცავს: გადამდებ დაავადებათა ეპიდზედამხედველობის და კონტროლის ღონისძიებებს, ადამიანის ჯანმრთელობისათვის უსაფრთხო გარემოს ჩამოყალიბებისათვის ხელშეწყობა, ანტირაბიული, მალარიის წინააღმდეგ ბრძოლის პროპაგანდა, მუშაობა მიზნობრივ ჯგუფებთან მოსახლეობაში პროფილაქტიკურ-საგანმანათლებლო სამუშაოების წარმოება. ტუბერკულოზის, აივ/ინფექცია შიდსის, C ჰეპატიტზე ინტეგრირებული სკრინინგის საპილოტე პროგრამის განხორციელებას. კორონავირუსით გამოწვეული ინფექციის (COVID – 19) ეპიდზედამხედველობა და მოქალაქეთა გეგმიური ტესტირების წარმოება. პროგრამა 2021 წლის ბიუჯეტით განისაზღვრა 195 000 ლარით, ხოლო 2022 წელს 170 000 ლარით.

ცენტრის მიერ ხორციელდება 4 სახელმწიფო და 1 მუნიციპალური პროგრამა. ეპიდზედამხედველობისა და სამედიცინო-საინფორმაციო სისტემების ფუნქციონირების უზრუნველყოფის პროგრამა მოიცავს ინფექციური დაავადებების აღრიცხვა-რეგისტრაციას, სავალდებულო კერების ეპიდემიოლოგიურ კვლევას-დაავადების გავრცელების შეზღუდვის მიზნით, შესაბამისი ეპიდ.საწინააღმდეგო და პრევენციული ღონისძიებების დაგეგმვა-გატარებას.

ქალაქ ფოთში 2021 წელს დარეგისტრირდა ინფექციური დაავადებების შემდეგი შემთხვევები: დაუდგენელი ეტიოლოგიის დიარეები-48, კვებითი ინტოქსიკაცია-39, ლაიმის დაავადების-1, ბრუცელოზი-2, ტუბერკულოზის-23 ახალი შემთხვევა, ცოფის რისკის ქესპოზიცია- 832, COVID – 19 - 8123 შემთხვევა, 0-დან - 1-მდე წლამდე ბავშვის გარდაცვალება-3.

2022 წლის 6 თვეში, მუნიციპალიტეტში დარეგისტრირდა ინფექციური დაავადებების შემდეგი შემთხვევები: დაუდგენელი ეტიოლოგიის დიარეები-33, ტუბერკულოზის-14 ახალი შემთხვევა, ბრუცელოზი-1, ბორელიოზი-1, ნოზოკოკიური დაავადება-2, ცოფის რისკის ქესპოზიცია-503, COVID-19 – 8412. შედარებითი დინამიკიდან ჩანს, რომ შეიმჩნევა დაავადებების კლების ტენდენცია, გარდა COVID – 19-ისა და ცოფის რისკის ქესპოზიციისა. ბავშვთა პროფილაქტიკური აცრებით მოცვის პროცენტული მაჩვენებლები 2021 წელს შეადგენს 90-97 %-ს.

2022 წლის განვლილ პერიოდში კი 48,6-53,4%-ს.

მ/წლის 24-30 აპრილს, მუნიციპალიტეტში ჩატარდა იმუნიზაციის კვირეული.

იმუნოპროფილაქტიკის სახელმწიფო პროგრამისა და COVID – 19-ის პროგრამის ფარგლებში სამედიცინო დაწესებულებები შეუფერხებლად მარაგდებოდა ასაცრელი ვაქცინებით, სპეციფიკური და სტრატეგიული შრატებით. ყველა სამედიცინო დაწესებულება აღჭურვილი იყო ვაქცინების შესანახი მაცივრებით, ინდიკატორებით და ელექტრო თერმომეტრებით. გეგმიურად მიმდინარეობდა მათი მონიტორინგი, ცივი ჯაჭვის პრინციპის დაცვის საკიხებზე. დაფიქსირდა დარღვევის ერთეული ფაქტები, თუმცა ვაქცინების გაუვარდისებას ადგილი არ ჰქონია. აღნიშნულში მიეცათ სიტყვიერი რეკომენდაციები.

ქალაქის ტერიტორია ცოფისთვის ითვლება კეთილსაიმედოდ. დაავადების მხრივ არც ადამიანებში და არც ცხოველებში ცოფის შემთხვევა არ დაფიქსირებულა. ანტირაბიულ კაბინეტში დაზარალებულთა მიმართვიანობა ყოველწლიურად იმატებს 10-15 %-ით. ცოფის ექსპოზიციის ესოდენ მაღალი მაჩვენებელი, მიუთითებს მაწანწალა ძაღლების მატებაზე ქალაქის ტერიტორიაზე, რაც კვლავ რჩება პრობლემურ საკითხად. 2021-22 (01.01-30.06) წლებში COVID – 19 ის გამო შექმნილ ეპიდ სიტუაციასთან დაკავშირებით სკოლამდელ დაწესებულებებში ჰელმინთოზებზე გამოკვლევები არ ჩატარებულა. მალარიის საწინააღმდეგო პროფილაქტიკური ღონისძიებები ტარდება საქართველოში მალარიის ელიმინაციის ეროვნული პროგრამის სამოქმედო გეგმის შესაბამისად. 2021 წელს აღებულ იქნა სისხლის სქელი წვეთი და ნაცხი 24 სიცხიანი ავადმყოფისგან, ხოლო 2022 წლის 6 თვის განმავლობაში კი 9 ნიმუში. მალარიის პლაზმოდუმი არცერთ შემთხვევაში არ აღმოჩენილა.

2021 წელს და 2022 წლის აპრილი-მაისის თვეში ჩატარდა ანოფელოგენური წყალსატევების აღრიცხვა, პასპორტიზაცია. სულ ანოფელოგენური წყალსატევი არის 24.

2021 წელს, შავი ზღვისპირა საკურორტო ზონა, ტრანსმისიული დაავადებების გადამტანებთან წინააღმდეგ ბრძოლის პროგრამის ფარგლებში, დამუშავდა ანტისექციდური პრეპარატით „სოლფაკი“, კოდოს დღის სამყოფელი, (საცხოვრებელი ბინების სადარბაზოები, სარდაფები, კერძო სახლებში ფრინველთა და ცხოველთა სადგომები). სულ დამუშავდა 1 000 000 კვ.მ ფართი, დაიხარჯა 500 კგ. სოლფაკი. მიმდინარე წელს აღნიშნული ღონისძიებები ჩატარდება ივლისი-აგვისტოს თვეში.

ვინაიდან 2021 წელს, მუნიციპალიტეტში არსებული სკოლების უმეტესობა გადასული იყო სწავლების დისტანციურ რეჟიმზე, სანიტარული მონიტორინგი განხორციელდა 2 საჯარო სკოლაში.

2021 წელს, ქალაქ ფოთის მუნიციპალიტეტის საზედამხედველო ტერიტორიაზე ფუნქციონირებდა 42 სილამაზის სალონი. საქართველოს მთავრობის 2015 წლის 14 სექტემბრის N 473 დადგენილების თანახმად ყველა სალონის მომსახურე პერსონალი და მეპატრონე ჩვენს მიერ ინფორმირებული იქნა ტექნიკური რეგლამენტის შესახებ, რომელიც გულისხმობს სამსახურებრივი მოვალეობების შესრულების დროს სანიტარული ნორმების დაცვას. საზოგადოებრივი მნიშვნელობის დაწესებულებებში ესთეტიკური და კოსმეტიკური პროცედურების წარმოებისას ინფექციების პრევენციისა და კონტროლის კითხვარით, შერჩევით შემოწმებული იქნა 20 სილამაზის სალონი და იქ დასაქმებული 60 ინდ. მეწარმე. გამოვლენილი დარღვევების გამოსასწორებლად თითოეულს მიეცა გონივრული ვადა.

2022 წლის განვლილ პერიოდში შემოწმებულ იქნა სილამაზის სალონებში დასაქმებული 23 ინდ.მეწარმე.

სისხლის გზით გადამდები დაავადებების მუნიციპალური პროგრამის ფარგლებში, დაავადებათა კონტროლისა და საზოგადოებრივი ჯანმრთელობის ეროვნული ცენტრის ფოთის განყოფილებასთან დადებული ხელშეკრულების საფუძველზე, სტომატოლოგიურ კაბინეტებში შერჩევით ჩატარდა ბაქტერიოლოგიური კვლევები, სტერილიზაციისა და დეზინფექციის ხარისხზე, რა დროსაც დარღვევები არ გამოვლენილა. ამავე პროგრამის ფარგლებში საზოგადოებრივი მნიშვნელობის დაწესებულებებში ჩატარდა მონიტორინგი, მთავრობის, 2015 წლის N 185-ის დადგენილების მოთხოვნათა შესაბამისად, არსებული კითხვარით. პარალელურად ჩატარდა შეხვედრები, დეზინფექცია-სტერილიზაციის საკითხებზე.

2021 წელს, „სამეგრელოს პილოტი“ პროგრამის ფარგლებში ჩატარდა 3775 სკრინინგული კვლევა C ჰეპატიტზე, აივ/ზიდსის ინფექციის მტარებლობაზე და ტუბერკულოზზე. გამოვლინდა C ჰეპატიტის 19 დადებითი შემთხვევა.

მ/წლის განვლილ პერიოდში ჩატარდა 984 კვლევა, რომელთა შორის დადებითი იყო C ჰეპატიტის 2 შემთხვევა. ყველა შემთხვევა იქნა რეფერირებული შესაბამის კლინიკებში.

თამბაქოსაგან თავისუფალი პოლიტიკის გატარების მიზნით დამტკიცებული კითხვარებითა და მეთოდოლოგიის შესაბამისად სტატისტიკის ფარგლებში შეიქმნა პროგრამა „მოწევის აკრძალვის, შეზღუდვისა და თამბაქოს პროდუქტებით ვაჭრობის მონიტორინგის შესახებ“. ჯანდაცვის ცენტრის მიერ 2021 წლის და მ/წლის განვლილ პერიოდში შემოწმდა 337 ობიექტი, მათ შორის 232 სავაჭრო ობიექტი და 170 სატრანსპორტო საშუალება. დარღვევები გამოვლინდა სატრანსპორტო საშუალებებში, სილამაზის სალონებში და სავაჭრო ობიექტებში (ეწეოდნენ და არ ჰქონდათ კანონმდებლობით დადგენილი რეგულა-ციები დაცული). სამოქმედო გეგმის მიხედვით მონიტორინგი ქალაქის მამუტაბით დღემდე მიმდინარეობს.

საზოგადოებრივი ჯანდაცვის ცენტრის მიერ გაწეული სამუშაოებისათვის მიზნობრივი ტრანსფერის თანხიდან გაცემულმა სარგომ და ხარჯვითმა ნაწილმა 2021 წლის განმავლობაში შეადგინა 170 000 ლარი. საბიუჯეტო სახსრები ფონდების გარეშე (ადგილობრივი ბიუჯეტიდან) დაიხარჯა 24 985 ლარი, თვითმმართველობის სარეზერვო ფონდიდან 14 4851 ლარი, ხოლო საკუთარი სახსრებიდან 29 1463 ლარი.

2022 წლის განვლილი პერიოდში ტრანსფერის თანხიდან გაცემულმა სარგომ და ხარჯვითმა ნაწილმა შეადგინა 74 657 ლარი, საბიუჯეტო სახსრები ფონდების გარეშე (ადგილობრივი ბიუჯეტიდან) 17 320 ლარი, საკუთარი სახსრებიდან 87 403 ლარი.

2021 წლის განმავლობაში ცენტრის შესყიდვების გეგმა შეადგენდა 65 834 ლარს. წლის განმავლობაში გაფორმებული იქნა 69, სახელმწიფო შესყიდვის შეასხებ ხელშეკრულება. 2022 წლის განვლილი 6 თვის განმავლობაში გაფორმებულია 26 სახელმწიფო შესყიდვის შეასხებ ხელშეკრულება, შესყიდვების გეგმამ შეადგინა 31 849 ლარს.

საზოგადოებრივი ჯანდაცვის ცენტრში დასაქმებულია 17 პირი, აქედან საშტატო განრიგით-15, ხოლო - 2 ხელშეკრულებით. დასაქმებული პირებიდან ქალი-15 და 2 მამაკაცი.

ჯანმრთელობის დაცვის განყოფილება.

ჯანმრთელობის დაცვის პროგრამები 2021 წლის ადგილობრივი ბიუჯეტით განისაზღვრა 814 400 (დაზუსტებული გეგმა) ლარით, ხოლო 2022 წელს 810 000 ლარით.

1. მოსახლეობის სტაციონარული მკურნალობის პროგრამის 2021 წლის ბიუჯეტი განისაზღვრა 421 100 (დაზუსტებული გეგმა) ლარით, 2022 წელს კი 350 000 ლარით. პროგრამა ახორციელებს პაციენტთა მკურნალობის და გამოკვლევების იმ კომპონენტის დაფინანსებას, რომელიც არ არის გათვალისწინებული ჯანდაცვის სახელმწიფო პროგრამებით. პროგრამის ფარგლებში ფინანსდება, როგორც სტაციონარული, ასევე ამბულატორიული მკურნალობა, სხვადასხვა სახის ქირურგიული ოპერაციები, ლაბორატორიული და თანამედროვე ტექნოლოგიების ინსტრუმენტალური გამოკვლევები, ქიმიო, რადიოთერაპია და სხვა სახის სამედიცინო სერვისები.

2021 წელს, სოციალურად დაუცველ (70 000-მდე სარეიტინგო ქულა) მოქალაქეებს და შეზღუდული შესაძლებლობების (მკვეთრად გამოხატული) მქონე პირებს მკურნალობისთვის საჭირო თანხა დაუფინანსდა 100 %-მდე (ლიმიტი 1000 ლარი), ხოლო 70 000-ზე მეტი სარეიტინგო ქულის მქონე და სოციალურად დაუცველი ოჯახების ერთიან მონაცემთა ბაზაში დაურეგისტრირებელ მოქალაქეებს 50%-მდე (ლიმიტი 1 000 ლარი). ამასთან, სამედიცინო მომსახურების ხარჯი, რომელიც არ აღემატებოდა 200 ლარს, მოქალაქეებს დაუფინანსდა 100 %-ით.

2021 წელს დახმარება გაეწია 863 მოქალაქეს, თანხით 397 900 ლარი (მათ შორის სოციალურად დაუცველ 63 მოქალაქეს, თანხით 35 623 ლარი და 11 შშმ პირს (მკვეთრად გამოხატული), თანხით 9406 ლარი.

2022 წლიდან, სოციალურად დაუცველი ოჯახების ერთიან მონაცემთა ბაზაში 70 000-მდე სარეიტინგო ქულის მქონე მოქალაქეებს და შშმ მკვეთრად გამოხატული) სტატუსის მქონე მოქალაქეებს მკურნალობისთვის საჭირო თანხა უფინანსდებათ 100 %-მდე (ლიმიტი 1 000 ლარი), ხოლო სამედიცინო მომსახურების ხარჯი, რომელიც არ აღემატება 300 ლარს, უფინანსდებათ 100 %-ით.

მოქალაქეებს, რომელთაც გააჩნიათ 70 000-ზე მეტი სარეიტინგო ქულა, ან არ არიან დარეგისტრირებულნი სოციალურად დაუცველი ოჯახების ერთიან მონაცემთა ბაზაში, მკურნალობის ღირებულება დაუფინანსდებათ გასაწევი სამედიცინო მომსახურების ხარჯის დამადასტურებელი დოკუმენტაციით (წინასწარი კალკულაცია) წარმოდგენილი თანხის 70%-მდე, არაუმეტეს 1 000 (ერთი ათასი) ლარისა.

აღნიშნული პროგრამის ფარგლებში კლინიკებიდან მიღებული შესრულებების მიხედვით საკასო შესრულებამ შეადგინა 233,6 ათ.ლარი 466 მოქალაქისათვის, ხოლო საგარანტიო წერილით დახმარება გაეწია 554 ბენეფიციარს (297 ქალი, 257 მამაკაცი) თანხით 279 922 ლარი.

2. მოსახლეობის მედიკამენტებით უზრუნველყოფის პროგრამის 2021 წლის ბიუჯეტი განისაზღვრა 175 000 (დაზუსტებული გეგმა) ლარით. პროგრამა ითვალისწინებს სხვადასხვა მწვავე თუ ქრონიკული დაავადებების მქონე მოსახლეობის ჯანმრთელობისათვის საჭირო მედიკამენტებით უზრუნველყოფას.

2021 წელს დახმარება გაეწია:

ა) ერთჯერადი 70 ლარის ღირებულების მედიკამენტების შესაძენად 1 554 მოქალაქეს, თანხით 108 032 ლარი.

ბ) ავთვისებიანი სიმსივნითა და ლეიკოზით დაავადებულ პირთა დახმარება, მედიკამენტების შესაძენად გაეწია 49 მოქალაქეს, თანხით 25 784 ლარი. აღნიშნული ქვეპროგრამით მოქალაქეს შეუძლია ისარგებლოს წელიწადში ორჯერ (ერთჯერადი ლიმიტი 1 000 ლარი).

გ) განსაკუთრებული საჭიროების მქონე ავადმყოფთა დახმარება მედიკამენტების შესაძენად გაეწია სოციალურად დაუცველ (100 000 სარეიტინგო ქულის მქონე) 104 მოქალაქეს, თანხით 15 434 ლარი (ლიმიტი 150 ლარი).

დ) ეპილეფსიით დაავადებულ პირთა დახმარება მედიკამენტების შესაძენად გაეწია 3 ბენეფიციარს თანხით, 450 ლარი.

სულ, 2021 წელს პროგრამის ფარგლებში დახმარება გაეწია 1 710 მოქალაქეს, თანხით 149 700 ლარი.

აღნიშნულ პროგრამას 2022 წელს დაემატა კორონა ვირუსით COVID-19 დაინფიცირებულ პირთა დახმარება მედიკამენტების შესაძენად, სტაციონარული მკურნალობის დასრულებიდან 2 თვის განმავლობაში წარმოდგენილი დოკუმენტაციის საფუძველზე, 100 (ასი) ლარამდე, წელიწადში ერთჯერ და პროგრამის ბიუჯეტი განისაზღვრა 200 000 ლარით, მათ შორის:

ა) ერთჯერადი 70 ლარის ღირებულების მედიკამენტების შესაძენად დახმარება გაეწია 1 377 მოქალაქეს, თანხით 96 196 ლარი.

ბ) ავთვისებიანი სიმსივნითა და ლეიკოზით დაავადებულ პირთა დახმარება მედიკამენტების შესაძენად გაეწია 35 მოქალაქეს, თანხით 21 504 ლარი. აღნიშნული ქვეპროგრამით მოქალაქეს შეუძლია ისარგებლოს წელიწადში ორჯერ (ერთჯერადი ლიმიტი 1 000 ლარი).

გ) განსაკუთრებული საჭიროების მქონე ავადმყოფთა დახმარება მედიკამენტების შესაძენად გაეწია სოციალურად დაუცველ (100 000 სარეიტინგო ქულის მქონე) 310 მოქალაქეს, თანხით 46 454 ლარი (ლიმიტი 150 ლარი).

დ) კორონა ვირუსით COVID-19 დაინფიცირებულ პირთა დახმარება მედიკამენტების შესაძენად გაეწია 4 ბენეფიციარს, თანხით 400 ლარი.

2022 წელს დახმარება გაეწია 1 726 მოქალაქეს (1 216 ქალი, 510 მამაკაცი), თანხით 164 554 ლარი.

საკასო შესრულებით 160 100 ლარი გაიხარჯა 1 679 მოქალაქეზე.

3. შეზღუდული შესაძლებლობების მქონე ბავშვთა რეაბილიტაციის დაფინანსების პროგრამა მოიცავს 18 წლამდე ასაკის შშმ პირთა, მათ შორის აუტიზმის, გონებრივი განვითარების შეფერხების ან დაყოვნების მქონე ბავშვთა ფსიქოსომატური რეაბილიტაციის დაფინანსებას, რაც 2021 წლის ადგილობრივი ბიუჯეტით განისაზღვრა 102 900 (დაზუსტებული გეგმა) ლარით. აღნიშნული პროგრამა ითვალისწინებდა აუტიზმის მქონე ბავშვთა რეაბილიტაციის კურსის დაფინანსებას, არაუმეტეს 2000 ლარით, ხოლო შშმ ბავშვების რეაბილიტაციის დაფინანსებას, არაუმეტეს 700 ლარით, წელიწადში ერთჯერ. სულ პროგრამის ფარგლებში დახმარება გაეწია 69 მოზარდს, თანხით 82 300 ლარი.

2022 წელს პროგრამის ბიუჯეტი განისაზღვრა 180 000 ლარით, დაზუსტდა გეგმა 165 000 ლარი. გაიხარდა აუტიზმის მქონე ბავშვთა დაფინანსება 3 600 ლარამდე, წელიწადში ერთხელ.

სულ, პროგრამის ფარგლებში დახმარება გაეწია 90 (23 გოგონა, 67 ვაჟი), მათ შორის აუტიზმის მქონე 46 და შშმ 44 მოზარდს საერთო თანხით 164 840 ლარი. საკასო შესრულებით 6 თვეში გაიხარჯა 9,4 ათ.ლარი, 8 მოზარდის დასაფინანსებლად.

4. ფენილკეტონურიით და ცელიაკით დაავადებულთა (21 წლამდე ასაკის) კვებითი დანამატებით უზრუნველყოფის პროგრამა ითვალისწინებს ფენილკეტონურიით და ცელიაკით დაავადებულ პირთა კვებითი დანამატებით უზრუნველყოფის მიზნით, ბენეფიციარების დახმარებას არაუმეტეს 1 000 ლარით წელიწადში ერთჯერ. 2021 წლის ბიუჯეტით პროგრამის დაფინანსება განისაზღვრა 5 000 ლარით. დახმარება გაეწია 4 არასრულწლოვან ბენეფიციარს, გახარჯულია 4 000 ლარი.

2022 წელს პროგრამის ბიუჯეტი განისაზღვრა 6000 ლარით. დახმარება გაეწია 4 არასრულწლოვან ბენეფიციარს (2 გოგონა, 2 ვაჟი) საერთო თანხით 4 000 ლარი.

5. კოხლეარული იმპლანტით მოსარგებლე ბენეფიციართა დახმარების პროგრამა 2021 წელს ბიუჯეტით განისაზღვრა 1 900 ლარით. პროგრამა ითვალისწინებს კოხლეარული იმპლანტით მოსარგებლე (0-21 წლამდე ასაკის) პირების დახმარებას აპარატის შეუფერხებელი ფუნქციონირების მიზნით. კერძოდ, კვების წყაროსთვის საჭირო ელემენტის შესაძენი თანხის წლიური ლიმიტი განისაზღვრა 700 (შვიდასი) ლარით, ხოლო პროცესორის და მიკროფონის შემაერთებელი სადენის შესაძენი თანხის წლიური ლიმიტი, 300 (სამასი) ლარით. 2021 წელს დახმარება გაეწია 1 არასრულწლოვან ბენეფიციარს თანხით 700 (შვიდასი) ლარი.

2022 წელს პროგრამის ბიუჯეტი განისაზღვრა 4 000 ლარით.

დახმარება გაეწია 1 არასრულწლოვან ბენეფიციარს თანხით 700 (შვიდასი) ლარი.

6. 2021 წელს, დაწყებითი კლასის მოსწავლეთა პროფილაქტიკური გამოკვლევის პროგრამა ითვალისწინებდა ქალაქ ფოთის მუნიციპალიტეტის ყველა საჯარო და კერძო სკოლის დაწყებითი კლასის მოსწავლეების თვალის პათოლოგიების და სქოლიოზის გამოვლენას და პრევენციას. 2021 წელს პროგრამის ბიუჯეტი განისაზღვრა 7000 ლარით. 2021 წელს სახელმწიფო შესყიდვების ერთიანი ელექტრონული სისტემის მეშვეობით გამოცხადებული ელექტრონული ტენდერის NAT210004688 საფუძველზე გაფორმდა სახელმწიფო შესყიდვის შესახებ ხელშეკრულება N 54 (2021 წლის 06 აპრილი) სს „ლაზიკა მედთან“, თანხით 5 400 ლარი, გამოკვლევა ჩატარდა 519 მოზარდს, გაიხარჯა 3800 ლარი.

7. სასმელი, სარეკრიაციო და ჩამდინარე წყლების სანიტარულ - ბაქტერიოლოგიური და სანიტარულ-ქიმიური გამოკვლევის პროგრამის მიზანია მოსახლეობის ჯანმრთელობისთვის უსაფრთხო გარემოს შექმნა. პროგრამის ფარგლებში ხორციელდება სასმელი, სარეკრიაციო და საბანაო წყლის ხარისხის სისტემატიური ლაბორატორიული კვლევა, ინფექციური დაავადებებისა და ეპიდემიოლოგიის თავიდან აცილების მიზნით.

2021 წელს, ბიუჯეტით გამოყოფილი იყო 40 000 ლარი. ელექტრონული ტენდერით NAT210000735 სახელმწიფო შესყიდვის შესახებ ხელშეკრულება N 16 გაფორმდა 2021 წლის 09 თებერვალს და განისაზღვრა 33 898 ლარი, რომელიც მთლიანად იქნა ათვისებული. აღებული იქნა 382 ანალიზი, აქედან 312 სასმელი წყლის, 60 ზღვის წყლის და 10 ჩამდინარე წყლის. გამოკვლევები ჩატარდა როგორც ქიმიურ, ასევე ბაქტერიოლოგიურ მარეგულირებლებზე.

2022 წელს, პროგრამის ბიუჯეტით გამოყოფილია 40 000 ლარი (სუბსიდირების სახით). 6 თვის განმავლობაში ათვისებულია 18 221 ლარი. ქიმიურ და ბაქტერიოლოგიურ მაჩვენებლებზე ჩატარდა 178 კვლევა, აქედან 156 სასმელი წყლის, 20 ზღვის წყლის და 2 ჩამდინარე წყლის.

პროგრამას ახორციელებს შპს „ლაბორატორიული კვლევის ცენტრი“, რომელიც აკრედიტირებულია საერთაშორისო ISO 17027:2017/2018 სტანდარტით და რეგისტრირებულია გაერთიანებული ერების ორგანიზაციის სავაჭრო-სამრეწველო პალატის რეესტრში.

8. მოსახლეობაში ბავშვთა კომპლექსური სამედიცინო გასინჯვებისა და ლაბორატორიული გამოკვლევებისათვის, ბიუჯეტიდან გამოიყო 50 000 ლარი. ელექტრონული ტენდერის NAT210009855 შედეგის საფუძველზე 2021 წლის 17 ივნისს სახელმწიფო შესყიდვების შესახებ ხელშეკრულება გაფორმდა სს ევექსის ჰოსპიტლებთან, საერთო ღირებულებით 39 128 ლარი. კვლევა ჩატარდა 104 ბავშვს.

9. საქმიანობათა ცენტრი ფოთში (წითელი ჯვარი) უსაფრთხო გარემოსა და სიცოცხლის ხელშეწყობისათვის ბიუჯეტიდან 2021 წელს გამოიყო 30 000 ლარი, რაც სრულად იქნა ათვისებული, ხოლო 2022 წლის იანვრის თვიდან ივნისის თვის ჩათვლით გახარჯულია 7 500 ლარი. ქველმოქმედების სახით „წითელი ჯვრის“ მიერ მოსახლეობას დაურიგდა 23 405 ლარის ღირებულების ახალი ტანსაცმელი, საკვები პროდუქტები და ჰიგიენური საშუალებები, ასევე უკრაინიდან ლტოლვილ 39 ოჯახს დაურიგდა საკვები პროდუქტი და მედიკამენტები.

სოციალური დაცვისა და გენდერული თანასწორობის უზრუნველყოფის განყოფილება (2021 წელი) 2022 წელს სოციალური დაცვისა და დევნილთა განყოფილება.

მოსახლეობის მხარდაჭერა ჯანმრთელობის დაცვისა და სოციალური მომსახურების სფეროში კვლავ რჩება ერთ-ერთ ძირითად პრიორიტეტულ მიმართულებად. ქალაქ ფოთის სოციალური დაცვისა და დევნილთა განყოფილება არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებითა და შეღავათებით უზრუნველყოფას. სოციალური დაცვის უმნიშვნელოვანესი კომპონენტია სოციალური დახმარება, როგორც ფულადი, ასევე სხვადასხვა სოციალური შეღავათების დაწესების გზით, რაც გააუმჯობესებს შეჭირვებული მოსახლეობის სოციალურ და მატერიალურ მდგომარეობას.

ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახური თავის საქმიანობას ახორციელებს ქალაქ ფოთის მუნიციპალიტეტის საკრებულოს მიერ დამტკიცებული ჯანმრთელობისა და სოციალური დაცვის პროგრამების საფუძველზე.

2021 წელს, სოციალური უზრუნველყოფის სხვადასხვა პროგრამების განსახორციელებლად ადგილობრივ ბიუჯეტში (დაზუსტებული გეგმა) გათვალისწინებული იყო 1 619 000 ლარი, მათ შორის სოციალური პროგრამებისთვის საკასო შესრულებით გაიხარჯა 1 261 900 ლარი.

2022 წელს, სოციალური უზრუნველყოფის სხვადასხვა პროგრამების განსახორციელებლად ადგილობრივ ბიუჯეტში გამოყოფილია 1 009 600 ლარი მათ შორის სოციალური დაცვის პროგრამებისათვის 875 700 ლარი. იანვრის თვიდან ივნისის ჩათვლით სოციალურ პროგრამებზე გახარჯულია 434 300 ლარი.

1. „მრავალშვილიანი ოჯახების ყოველთვიური მატერიალური დახმარების პროგრამა“ ითვალისწინებს ქალაქში დემოგრაფიული სიტუაციის შემდგომი გაუმჯობესებისათვის, რომლებიც ზრდიან 3 და მეტ არასრულწლოვან მოზარდს. (უფროსი შვილის 17 წლის ასაკის შესრულებამდე).

2021 წლის ქალაქის ბიუჯეტიდან დაზუსტებული გეგმა იყო 226 000 ლარი. გაიხარჯა 309 ოჯახზე 225 500 ლარი. აღნიშნული თანხა გადანაწილებულია მრავალშვილიანთა ოჯახებზე შემდეგნაირად:

263 - 3 შვილიან ოჯახზე - ყოველთვიურად - 50 ლარი;

27 - 4 შვილიან ოჯახზე - ყოველთვიურად - 100 ლარი;

13 - 5 შვილიან ოჯახზე - ყოველთვიურად - 190 ლარი;

6 - 6 შვილიან ოჯახზე - ყოველთვიურად - 220 ლარი;

სულ - 309 ოჯახი.

2022 წელს, მრავალშვილიანი ოჯახების ყოველთვიური დახმარებისათვის გამოყოფილია 250 000 ლარი. იანვრის თვიდან ივნისის ჩათვლით 305 ბენეფიციარზე გახარჯულია 111 000 ლარი. აღნიშნული თანხა გადანაწილებულია მრავალშვილიანთა ოჯახებზე შემდეგნაირად:

260 - 3 შვილიან ოჯახზე - ყოველთვიურად - 50 ლარი;

26 - 4 შვილიან ოჯახზე - ყოველთვიურად - 100 ლარი;

15 - 5 შვილიან ოჯახზე - ყოველთვიურად - 190 ლარი;

3 - 6 შვილიან ოჯახზე - ყოველთვიურად - 220 ლარი;

1 - 7 შვილიან ოჯახზე - ყოველთვიურად - 300 ლარი;

სულ - 305 ოჯახი

2. ახალშობილთა მატერიალური დახმარების პროგრამა ითვალისწინებს ახალგაზრდა ოჯახების წახალისებას დემოგრაფიული მდგომარეობის გაუმჯობესების მიზნით. 2021 წელს ბიუჯეტით დაზუსტებული გეგმა იყო 17 000 ლარი, 160 ბენეფიციარზე გაიხარჯა 16 000 ლარი.

2022 წელს ახალშობილთა ოჯახების დახმარება 32 000 ლარი. იანვრის თვიდან ივნისის თვის ჩათვლით 71 ბენეფიციარზე გაიხარჯა 7 100 ლარი.

3. მარტოხელა მშობლების ყოველთვიური მატერიალური დახმარების პროგრამა. სოციალური გამოკითხვები ცხადყოფენ, რომ მარტოხელა მშობლების დიდი ნაწილი იმყოფება მძიმე სოციალურ-ეკონომიკურ პირობებში, რომლებიც უმუშევრობისა და შემოსავლების უქონლობის გამო ვერ აგვარებენ ბავშვებთან დაკავშირებულ პრობლემებს. 2021 წლის ადგილობრივი ბიუჯეტით დაზუსტებული გეგმა იყო 61 000 ლარი, 109 ბენეფიციარზე გაიხარჯა 59 008 ლარი.

2022 წელს, მარტოხელა მშობელთა დახმარებისათვის გამოიყო 68 000 ლარი. იანვრის თვიდან ივნისის თვის ჩათვლით 101 ბენეფიციარზე გაიხარჯა 28 300 ლარი.

4. სადღესასწაულო დღეების დახმარების პროგრამა მოიცავს გარკვეული კატეგორიის ოჯახების მატერიალურ დახმარება-წახალისებას ტრადიციულ დღესასწაულებთან, ღირსშესანიშნავ თარიღებთან დაკავშირებით. აღნიშნული პროგრამის ბენეფიციარებს წარმოადგენენ: ქალაქის წინაშე განსაკუთრებული დამსახურების მქონე მოქალაქეები, დედით, მამითა და დედ-მამით ობოლები (17 წლამდე ასაკის), შეზღუდული შესაძლებლობების მქონე 17 წლამდე ასაკის მოზარდები, 90 წლისა და ზემოთ ასაკის პენსიონერი, 1989 წლის 9 აპრილის მოვლენების მონაწილე. 2021 წლის ადგილობრივი ბიუჯეტით დაზუსტებული გეგმა იყო 45 100 ლარი. დაკმაყოფილებულია 358 მოქალაქე, თანხით 41 100 ლარი.

2022 წელს, სადღესასწაულო დღეებთან დაკავშირებული გამოიყო დახმარებები 85 400 ლარი. იანვრის თვიდან ივნისის თვის ჩათვლით 215 ბენეფიციარზე გახარჯულია 53 200 ლარი.

5. დიალიზზე მყოფ ავადმყოფთა ტრანსპორტირების პროგრამა ამოქმედდა 2014 წლიდან (რომელიც გასულ წლებში არ მოქმედებდა). თირკმლის უკმარისობით დაავადებული ავადმყოფები ჰემოდიალიზის პროცედურების ჩასატარებლად მიემგზავრებიან კვირაში სამჯერ ქალაქ ბათუმში, ქუთაისსა და ზუგდიდში, ქალაქში სამედიცინო მატერიალურ-ტექნიკური ბაზის არ არსებობის გამო. ამ მიზნით მგზავრობის ხარჯები მძიმე ტვირთად აწევს ავადმყოფთა ოჯახებს, (თითოეულ ავადმყოფს თვეში 150 ლარი). 2021 წელს ადგილობრივი ბიუჯეტით დაზუსტებული გეგმა იყო 46 700 ლარი. 28 ბენეფიციარზე გაიხარჯა 45 400 ლარი.

2022 წელს, განსაკუთრებული საჭიროების მქონე პირთა მხარდაჭერის პროგრამისათვის გამოყოფილია 56 000 ლარი. იანვრის თვიდან ივნისის თვის ჩათვლით 24 ბენეფიციარზე გახარჯულია 20 400 ლარი. პროგრამა ითვალისწინებს დიალიზზე მყოფი პირების (პაციენტების) სასიცოცხლოდ აუცილებელი საჭიროებების დაკმაყოფილების მიზნით, ფინანსური დახმარების გაწევას და საგანგებო სიტუაციების კორდინაციისა და გადაუდებელი ცენტრის სასწრაფო და რეფერალური ბრიგადების მიერ განსაკუთრებული საჭიროების მქონე ავადმყოფთა ქალაქგარეთ ტრანსპორტირების დაფინანსებას.

6. უსინათლოებისა და ყრუ-მუნჯთა მატერიალური დახმარება კომუნალური გადასახადების დასაფინანსებლად 50 ლარის ოდენობით. 2021 წლის ადგილობრივი ბიუჯეტით დაზუსტებული გეგმა იყო 37 200 ლარი. 67 ბენეფიციარზე გაიხარჯა 36 000 ლარი.

2022 წელს, უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად 39 600 ლარი. იანვრის თვიდან ივნისის თვის ჩათვლით 68 ბენეფიციარზე გახარჯულია 22 900 ლარი.

7. კანონმდებლობით გათვალისწინებული სარიტუალო მომსახურების პროგრამა ითვალისწინებს სოციალურად დაუცველი პიროვნების გარდაცვალების შემთხვევაში სარიტუალო წესების მოგვარებას, რაც გამოიხატება გარდაცვლილისათვის ჩასასვენებელი სასახლის დამზადებაში. ხოლო „სამშობლოს დაცვისას დაღუპულთა და ომის შემდეგ გარდაცვლილ მეომართა ხსოვნის უკვდავსაყოფად“ კანონის შესაბამისად გარდაცვლილის ოჯახისათვის გათვალისწინებულია მატერიალური დახმარება 300 ლარის ოდენობით. ადგილობრივი ბიუჯეტით დაზუსტებული გეგმა იყო 50 000 ლარი. 110 შემთხვევა, თანხით 31 400 ლარი.

2022 წელს, სარიტუალო მომსახურება 51 000 ლარი, 51 ბენეფიციარზე იანვრის თვიდან ივნისის თვის ჩათვლით გახარჯულია 17 800 ლარი.

8. 2008 წლის 8 აგვისტოს რუსეთის აგრესიის შედეგად დაღუპულთა ოჯახების მატერიალური დახმარების პროგრამა ითვალისწინებს ომში დაღუპულთა ოჯახებისათვის მორალურ და მატერიალურ მხარდაჭერას. ამ მიზნით ადგილობრივ ბიუჯეტში დაზუსტებული გეგმა იყო 16 000 ლარი. გაიხარჯა 15 700 ლარი.

2022 წელს, 2008 წლის აგვისტოს მოვლენების დროს რუსეთის აგრესიის შედეგად დაღუპულთა ოჯახებისა და დაჭრილ მოქალაქეთა დახმარება გაიხარდა 200 ლარით, გახდა 400 ლარი, სულ გამოიყო 25 600 ლარი. იანვრის თვიდან ივნისის ჩათვლით გახარჯულია 8 800 ლარი.

9. მეორე მსოფლიო ომის მონაწილე, ამავე ომის შეზღუდული შესაძლებლობების მქონე პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარების პროგრამა

ითვალისწინებს ფაშინაშვილზე გამარჯვების (9 მაისი) აღსანიშნავად ერთჯერადად მატერიალურ დახმარებას წახალისების მიზნით. ადგილობრივი ბიუჯეტით დაზუსტებული გეგმა იყო 6 600 ლარი. ომის 22 ვეტერანზე გაიხარჯა 6 600 ლარი.

2022 წელს, მეორე მსოფლიო ომის მონაწილე, ამავე ომის შეზღუდული შესაძლებლობის მქონე პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარებისათვის გამოყოფილია 6 600 ლარი. იანვრიდან ივნისის ჩათვლით ომის 21 მონაწილეზე გაიხარჯა 6 300 ლარი.

10. 5 და მეტწილიანი ოჯახების ერთჯერადი მატერიალური დახმარების პროგრამა ამოქმედდა 2014 წლიდან, რომელიც ითვალისწინებს წელიწადში ერთხელ ხუთი და მეტწილიანი ოჯახების (17 წლამდე ასაკის მოზარდები) 2 000 ლარით დახმარებას. ამ მიზნით ადგილობრივ ბიუჯეტში დაზუსტებული გეგმა იყო 42 000 ლარი, 21 ბენეფიციარზე გაიხარჯა 42 000 ლარი.

2022 წელს, ხუთი და მეტწილიანი ოჯახების დახმარების პროგრამა განისაზღვრა 40 000 ლარი. იანვრის თვიდან ივნისის თვის ჩათვლით 19 ბენეფიციარზე გახარჯულია 38 000 ლარი.

11. საქალაქო ავტობუსების სუბსიდირების პროგრამა 2021 წლის ბიუჯეტით დაზუსტებული გეგმა იყო 780 000 ლარი (ემსახურებოდა 4 ავტობუსი) გაიხარჯა 468 600 ლარი. ქალაქის სოციალურად დაუცველი მოსახლეობისათვის იაფი ტრანსპორტით მომსახურება. იგი სხვა სატრანსპორტო საშუალებებთან შედარებით იაფია და ნებისმიერ ადამიანს შეეძლება აღნიშნული ავტობუსით მგზავრობა.

2022 წელს, შპს ფოთის სატრანსპორტო კომპანიის სუბსიდირების ხარჯები დაგეგმილია 780 000 ლარი, იანვრის თვიდან მაისის თვის ჩათვლით გახარჯულია 392 900 ლარი.

12. უსინათლოების მატერიალური დახმარება წნევის გამზომი აპარატის შესაძენად. 2021 წლის ბიუჯეტში დაზუსტებული გეგმა იყო 1 000 ლარი.

2022 წელს, უსინათლოების მატერიალური დახმარება წნევის გამზომი აპარატის შესაძენად თანხით 1 800 ლარით. იანვრის თვიდან ივნისის თვის ჩათვლით 6 ბენეფიციარზე გახარჯულია 1 500 ლარი.

13. შშმ ბავშვთა დღის ცენტრის დახმარება კომუნალური გადასახადების დასაფინანსებლად დაზუსტებული გეგმა იყო 6 100 ლარი, გახარჯულია 1 800 ლარი.

2022 წელს, შშმ ბავშვთა დღის ცენტრის დახმარება კომუნალური გადასახადების დასაფინანსებლად გამოიყო 13 000 ლარი. იანვრის თვიდან ივნისის თვის ჩათვლით გახარჯულია 3 100 ლარი.

14. სტუდენტთა ფინანსური მხარდაჭერის 2021 წლის ბიუჯეტში დაზუსტებული გეგმა იყო 500 ლარი. 1 - სტუდენტზე გახარჯულია 500 ლარი.

2022 წელს, სოციალურად დაუცველი სტუდენტების მხარდაჭერა 20 000 ლარი. იანვრის თვიდან ივნისის თვის ჩათვლით 6 სტუდენტზე გახარჯულია 5 100 ლარი.

პროგრამის ფარგლებში სოციალურად დაუცველი სტუდენტები, რომლის ოჯახის სარეიტინგო ქულა არ აღემატება 100 000-ს ფინანსდება წელიწადში ერთჯერ - 1000 ლარის ოდენობით.

2021 წელს აღნიშნული პროგრამით სტუდენტთა დაფინანსების ოდენობა შეადგენდა 500 ლარს.

15. ოჯახური ძალადობის მსხვერპლთა დაცვის ღონისძიებების 2021 წლის ბიუჯეტში დაზუსტებული გეგმა იყო 1 000 ლარი.

2022 წელს ოჯახური ძალადობის მსხვერპლთა დაცვის ღონისძიებები 3 600 ლარი.

16. ახალი კორონა ვირუსით covid-19 პანდემიით გამოწვეული შეზღუდვების პერიოდში 2021 წლის ბიუჯეტში დაზუსტებული გეგმა იყო 91 900 ლარი. გახარჯულია 91 800 ლარი.

2022 წელს, ახალი კორონა ვირუსით covid-19 ინფიცირებულ, ჟანგბადდამოკიდებული ბენეფიციარების ერთჯერადი მატერიალური დახმარება, ჟანგბადის უზრუნველყოფის მიზნით 5 000 ლარი. 2 ბენეფიციარის დასახმარებლად გახარჯულია 300 ლარი.

17. განსაკუთრებით მძიმე საცხოვრებელ პირობებში, ასევე უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარება. დასაფინანსებლად 2021 წლის ბიუჯეტში დაზუსტებული გეგმა იყო 53 000 ლარი. გახარჯულია 52 000 ლარი.

2022 წელს განსაკუთრებით მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარება. დასაფინანსებლად 75 000 ლარი. იანვრის თვიდან ივნისის თვის ჩათვლით გახარჯულია 61 800 ლარი. დახმარება გაეწია 81 ოჯახს.

18. თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა. დასაფინანსებლად 2021 წლის ბიუჯეტში დაზუსტებული გეგმა იყო 6 200 ლარი. 5 ბენეფიციარზე გახარჯულია 5 000 ლარი.

2022 წელს თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა. დასაფინანსებლად 43 500 ლარი. იანვრის თვიდან ივნისის თვის ჩათვლით 18 ბენეფიციარზე გახარჯულია 20 500 ლარი.

19. გენდერული თანასწორობის ხელშეწყობის პროგრამის დასაფინანსებლად 2021 წლის ბიუჯეტში დაზუსტებული გეგმა იყო 2 000 ლარი.

2022 წელს გენდერული თანასწორობის ხელშეწყობის პროგრამა, დასაფინანსებლად გამოყოფილია 7 000 ლარი. აღნიშნული პროგრამა ითვალისწინებს „ადგილობრივ დონეზე ქალთა სოციალურ-ეკონომიკური გაძლიერება/ხელშეწყობას“, რომლის ფარგლებში მუნიციპალიტეტი უზრუნველყოფს ქალაქ ფოთის მუნიციპალიტეტში რეგისტრირებული პირების (ქალები) მიერ წარმოდგენილი პროექტების 80%-მდე თანადაფინანსებას, თითოეული გამარჯვებულისათვის თანადაფინანსების მინიმალური ოდენობა შეადგენს 500 ლარს, ხოლო მაქსიმალური ოდენობა შეადგენს 3 500 ლარს.

20. მძიმე სოციალურ-ეკონომიკურ პირობებში მარტოდ მცხოვრები (მარტოხელა), სოციალურად დაუცველი, პენსიონერი მოქალაქეებისათვის გაზიფიცირების ხელშეწყობის პროგრამის დასაფინანსებლად 2021 წლის ბიუჯეტში დაზუსტებული გეგმა იყო 9 000 ლარი. 5 ბენეფიციარზე გახარჯულია 3 000 ლარი.

2022 წელს, მძიმე სოციალურ-ეკონომიკურ პირობებში მარტოდ მცხოვრები (მარტოხელა), სოციალურად დაუცველი, პენსიონერი მოქალაქეებისათვის გაზიფიცირების ხელშეწყობის პროგრამის დასაფინანსებლად გამოყოფილია 5 000 ლარი.

21. შეჭირვებული ოჯახების შემთხვევაში უზრუნველყოფის პროგრამის დასაფინანსებლად 2021 წლის ბიუჯეტში დაზუსტებული გეგმა იყო 40 000 ლარი, 200 ბენეფიციარზე გახარჯულია 40 000 ლარი.

2022 წელს, შეჭირვებული ოჯახების შემთხვევაში უზრუნველყოფის პროგრამა დასაფინანსებლად გამოყოფილია 23 200 ლარი. იანვრის თვიდან ივნისის თვის ჩათვლით 116 ბენეფიციარზე გახარჯულია 23 200 ლარი.

22. 2021 წელს, ა(ა)იპ „ქალაქ ფოთის მუნიციპალიტეტის სოციალური მომსახურების ცენტრი“-ს ხელშეწყობა. ბიუჯეტიდან გამოიყო 992 300 ლარი. პროგრამის მიზანია მოქალაქეთა მომსახურების სერვისის გაუმჯობესება, აქტიური სოციალური პოლიტიკის გატარება, სოციალური დახმარების მწყობრი სისტემის ჩამოყალიბების, მოსახლეობის სამართლიანი და ეფექტური დახმარების უზრუნველყოფასთან დაკავშირებით წინადადებისა და ინფორმაციის მომზადება. უფასო კვების სასადილოს 350 ბენეფიციარზე და შინმოვლის 28 ბენეფიციარზე გახარჯულია 990 600 ლარი.

2022 წელს, ა(ა)იპ „ქალაქ ფოთის მუნიციპალიტეტის სოციალური მომსახურების ცენტრი“-ს ხელშეწყობა. ბიუჯეტიდან გამოიყო 1 196 000 ლარი. პროგრამის მიზანია მოქალაქეთა მომსახურების სერვისის გაუმჯობესება, აქტიური სოციალური პოლიტიკის გატარება, სოციალური დახმარების მწყობრი სისტემის ჩამოყალიბების, მოსახლეობის სამართლიანი და ეფექტური დახმარების უზრუნველყოფასთან დაკავშირებით წინადადებისა და ინფორმაციის მომზადება. უფასო კვების სასადილოს 360 ბენეფიციარზე და შინმოვლის 28 ბენეფიციარზე გახარჯულია - იანვრის თვიდან ივნისის თვის ჩათვლით 561 900 ლარი.

23. ა(ა)იპ თვითმმართველი ქალაქის - ფოთის ბავშვთა ცენტრი პროგრამის ფარგლებში მშობელთა მზრუნველობას მოკლებული 9 მოზარდი ცხოვრობს საოჯახო ტიპის თავშესაფარში, სადაც ისინი უზრუნველყოფილები არიან კვებით, ბავშვთა დასვენება - გაჯანსაღებით. 2021 წლის ბიუჯეტით გამოყოფილია 116 500 ლარი, გაიხარჯა 115 900 ლარი. პროგრამას ახორციელებს: ა(ა)იპ თვითმმართველი ქალაქის - ფოთის ბავშვთა ცენტრი.

2022 წელს ბავშვთა ცენტრის ხელშეწყობა დასაფინანსებლად ბიუჯეტიდან გამოიყო 133 900 ლარი იანვრის თვიდან ივნისის თვის ჩათვლით 10 ბენეფიციარზე გახარჯულია 70 800 ლარი.

24. საჭიროების მქონე ბავშვიანი ოჯახების ფინანსური დახმარება 10 000 ლარი. იანვრის თვიდან ივნისის თვის ჩათვლით 12 ბენეფიციარზე გახარჯულია 2 400 ლარი.

25. დიაბეტით დაავადებულ (18 წლამდე) ბავშვთა მატერიალური დახმარების პროგრამა 14 400 ლარი. იანვრის თვიდან ივნისის თვის ჩათვლით 13 ბენეფიციარზე გახარჯულია 2 600 ლარი.

სოციალური დაცვისა და დევნილთა განყოფილება;

ქალაქ ფოთის მუნიციპალიტეტის ჯანრთელობისა და სოციალური დაცვის სამსახურის დევნილთა განყოფილება ემსახურებოდა დევნილი მოქალაქეების პრობლემების მოგვარებას, არსებული რესურსების პირობებში მოსახლეობის სხვადასხვა დახმარებებსა და მათი სოციალურ-ეკონომიკური მდგომარეობის გაუმჯობესებას. ამჟამად აღნიშნული საქმიანობას აგრძელებს სოციალური დაცვისა და დევნილთა განყოფილება.

სოციალური დაცვისა და დევნილთა განყოფილება უზრუნველყოფს განსახლების ადგილებში, იძულებით გადაადგილებულ პირთა - დევნილთა დახმარებას და მათი საცხოვრებელი პირობების გაუმჯობესებასა და დახმარებას თვითდასაქმება/დასაქმებაში; ახორციელებს მუშაობას იმ ორგანიზაციებთან, რომლებიც ზრუნავენ დევნილთა გრანტებითა და სხვა სახით დაფინანსება/დახმარებაზე.

განყოფილება დევნილთა საცხოვრებელი სახლებით და შესყიდვის სარგებლობის მიზნით, მოქალაქეებს უწყევს დახმარებას დოკუმენტაციის მომზადებასა და მათთვის ინფორმირებას, მიმდინარე თუ მოსალოდნელ მდგომარეობასთან დაკავშირებით, ასევე მათი ინტერესების დაცვას სახელმწიფო თუ კერძო სტრუქტურებთან.

განყოფილება მოქალაქეებს შუამდგომლობას უწყევს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შესაბამის სამსახურებთან, უძრავი

ქონების დაკანონების, დასაქმების, გადმომისამართებისა თუ სხვა სახის დახმარებების გაწევის საკითხებთან დაკავშირებით.

განყოფილება ასევე უზრუნველყოფს მოწყვლადი ჯგუფების ინტეგრაციის ხელშეწყობასა და გაძლიერებას, იძულებით გადაადგილებულ პირთა საცხოვრებელი პირობების გაუმჯობესებაში თანამონაწილეობას იმ ჩასახლებებში, სადაც დევნილები უკვე ინტეგრირებულნი არიან, თუმცა გააჩნიათ სხვა სახის პრობლემები, მაგალითად: გაზიფიცირება, კანალიზაციის, განათების, ბავშვთა გასართობი სივრცის და სხვა სახის პრობლემები.

შესაბამისი უწყების მიერ, 2021 წლის მაისის თვის ჩათვლით სახლის შესყიდვის ფარგლებში დაკმაყოფილდა 45 დევნილი ოჯახი, ხოლო ფართი დაუკანონდა 20-მდე ოჯახს. მიმდინარე წლის ივნისის თვეში მოსალოდნელია 30-მდე დევნილი ოჯახისათვის საცხოვრებელი ფართის დაკანონება, ხოლო შესყიდვა მიმდინარეობს უწყვეტ რეჟიმში.

გრანტების ფარგლებში დევნილთა დასახლებაში მოეწყო სათამაშო სივრცე, ავტობუსის მოსაცდელი ადგილები, ასევე 10-მდე დევნილზე გაიცა გრანტები, რომელსაც ახორციელებდა ურთიერთთანამშრომლობის საფუძველზე ფონდი „აფხაზეთი“, რომლებთან ერთად ორ დასახლებაში მუნიციპალიტეტის ხელშეწყობით მოეწყო ორი სასკოლო ოთახი, რომელიც აღიჭურვა კომპიუტერებით, ასევე პანდემიის პერიოდში ოთხ დასახლებაში სისტემატიურად მიმდინარეობდა ყველა პრევენციული სამუშაოები და რიგდებოდა პერიოდულად საჭირო ინვენტარი.

2022 წელს დევნილთა საკითხების მოგვარებასა და მათი მდგომარეობის გაუმჯობესების უზრუნველყოფას განაგრძობს სოციალური დაცვისა და დევნილთა განყოფილება.

გამოწვევები და მიზნები:

ქალაქ ფოთის მუნიციპალიტეტის ჯანმრთელობისა და სოციალური დაცვის სამსახურის მუშაობა ორიენტირებულია მოსახლეობის საჭიროებებზე მორგებულ პროგრამების შემუშავებაზე. მოსახლეობის საჭიროებები მრავალფეროვანი და ცვალებადია, რაც არაერთი გამოწვევის წინაშე აყენებს სამსახურს.

ქალაქ ფოთის მუნიციპალიტეტის ბიუჯეტის სოლიდური წილი იხარჯება ჯანდაცვისა და სოციალურ პროგრამებზე (საკუთარი შემოსავლების 11 %-ზე მეტი), რაც აისახა პროგრამათა რაოდენობის მატებაზე, თუმცა არსებობს პრობლემური საკითხები და საინტერესო ინიციატივები, რომელთა გადაწყვეტის შემთხვევაში უფრო მეტ დადებით ეფექტს მივიღებთ.

1. პროგრამათა მართვის კომპონენტების დახვეწა მუდმივი პროცესია, რომელიც სამსახურის ერთ-ერთი მთავარი ფუნქციაა. დღეს არსებული პროგრამებიდან რამოდენიმე პროგრამა კვლავ საჭიროებს მართვის კომპონენტის რევიზიას, რათა უპასუხოს ახალ რეალობას, რა თქმა უნდა ეს უნდა მოხდეს მოსახლეობის ინტერესების შესაბამისად.

2. მოხუცთა თავშესაფარი, ქალაქის წინაშე მოხუცთა სახლის აუცილებლობაა. ათეულობით მოხუცი ცხოვრობს მარტო, რომელთაც უჭირთ თავის მოვლა, უმძიმით რთულ ყოფაში ცხოვრება. ეს განსაკუთრებით „შინ მოვლის“ პროგრამის შემდეგ გამოიკვეთა, როდესაც გამოვლინდა უამრავი მარტოხელა მოხუცი.

3. დასაქმება - ერთერთი უმთავრესი პრობლემაა. აუცილებელია ქალაქ ფოთის მუნიციპალიტეტის მიერ ფორუმების მოწყობა ბიზნეს სექტორთან ერთად, სადაც წარმოჩინდება დასაქმების წყაროები და შესაბამისი ვაკანსიები პროფესიების მიხედვით.

4. თავშესაფრისა და კრიზისული ცენტრის შექმნა, დღეს მეტად აქტუალურია. მნიშვნელოვანია ადგილობრივი თვითმმართველობის ორგანოების მონაწილეობა ოჯახში ძალადობის პრევენციასა და ოჯახში ძალადობის მსხვერპლთა დაცვისა და დახმარების სფეროში. ამასთან, „ადგილობრივი თვითმმართველობის კოდექსს“ დაემატა ნორმა, რომლის მიხედვით განისაზღვრება ადგილობრივი თვითმმართველობის ორგანოების (მუნიციპალიტეტის) უფლებამოსილება, მონაწილეობა მიიღოს ოჯახში ძალადობის წინააღმდეგ გასატარებელ ღონისძიებებში. ოჯახში ძალადობის პრევენციისა და მსხვერპლთა დაცვის მიზნით აუცილებელია კრიზისული ცენტრის შექმნა. რაც შეეხება თავშესაფარს დღითიდღე მატულობს უსახლკაროთა რიცხვი, რომელთაც არ გააჩნიათ საცხოვრებელი. აუცილებელია, გატარდეს კიდევ უფრო მეტი ღონისძიება ადამიანური პირობების შესაქმნელად და მათი უფლებების დასაცავად.

ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი:



მაია მაკალათია